

聖可學乎曰可曰有要乎曰有請聞焉曰一為要一者無欲也  
無欲則靜虛動直靜虛則明明則通動直則公公則溥明通公  
溥庶矣乎

註此章之指最為要切然其辭義明白不煩訓解學者能深  
玩而力行之則有以知無極之真兩儀四象之本皆不外  
乎此心而日用間  
自無別用力處矣

### 公明第二十一

公於己者公於人未有不公於己而能公於人也

註此為不勝己私而欲  
任法以裁物者發

明不至則疑生明無疑也謂能疑為明何啻千里

註此為不能先覺而欲以逆詐億不信為明者發  
然明與疑正相南北何啻千里之不相及乎

### 道藏輯要

通書

古  
二星集七

### 理性命第二十二

厥彰厥微匪靈弗瑩

註此言理也陽明陰晦非人  
心太極之至靈孰能明之

集說朱子曰厥彰厥微只是說理理有大小精粗如人事中  
自有難曉底道理如君仁臣忠父慈子孝此理甚顯然

若陰陽性命鬼神  
往來則不亦微乎

剛善剛惡柔亦如之中焉止矣

註此言性也說見第七  
篇即五行之理也

二氣五行化生萬物五殊二實二本則一是萬為一一實萬分

萬一各正小大有定

註此言命也二氣五行天之所以賦授萬物而生之者也自  
其末以緣本則五行之異本二氣之實二氣之實又本一